



BIBLIOTHECA  
UNIV. JAGELL.  
CRACOVENSIS

Kat. KOTTD.

40713

Mag. Si. Dr.

P

Foto pol. 7435



# CORONA DOMINI SALVATORIS NOSTRI JESU CHRISTI,

*juxta ritum & usum*

Patrum Eremitarum  
Camaldulensium,  
**S. ROMUALDI,**

*Devotis aspirationibus,*

Cum additamento Litaniarum, &  
variarum Orationum piarum de  
Passione Domini,

**CONTEXT A:**

*Cum licentia Superiorum.*

...  
CRACOVIAE  
Typis Praefecti Typogr. suæ Celsitu-  
dinis, R: D. Petri Antonii Frola.  
Anno Domini 1758.





PARCE REDEMPTIS

Reimprimatur.  
MICHAEL EPISCOPUS *mmp.*

40713 T

\*\*\* \* \* \* \*

# M O D U S

## Recitandi Coronam

Domini Nostri Salvatoris

J E S U C H R I S T I.

Per signum Crucis de inimicis nostris.  
Libera nos DEUS noster.

V. Benedices Coronæ anni benignitatis tuæ.

R. Et campi. Tui replebuntur ubertate.

Veni Sancti Spiritu, &c.,  
Oratio præparatoria.

O Pater Clementissime misericordiarum, & DEUS totius consolationis, qui ex abundantia charitatis Tuæ dedisti nobis Unigenitum, ac dilectissimum Filium tuum; ut omnis qui credit in eum, non pereat, sed habeat vitam æternam: benedicas, quæso, Coronæ annorum, & vitæ Sanctissimæ ejusdem dilecti Filii Tui;

A 2

ut

ut labia mea repleantur ubertate gratiæ tuæ, ad recolendam dignè & devotè laborum & dolorum ejus memoriā, quam ego offerre intendo, ad æternam Nominis tui Sanctissimi gloriam: in meam, & totius Ecclesiæ militantis utilitatem; in unione perfectissimæ illius attentionis, & ardentissimæ charitatis, quâ te pro nobis idem Filius exoravit & laudavit perfectissimè in terris: Qui tecum vivit & regnat in unitate Spiritus Sancti DEUS, per omnia sæcula sæculorum, Amen.

### P R I M Æ D E C A D I S

*Ave MARIA &c.*

### O R A T I O.

**O** Speculum sine macula, Sanctissima Virgo MARIA, laudo saluto, ac obsecro Te, per dulcissimum Cor JESU Christi Filii tui amantissimi, quem tu de Spiritu S. conceptum, in utero tuo castissimo novem mensibus gestasti, & illæso Virginitatis flore genu-

*JESU Christi.*

genuisti, solicite fovisti, & educasti:  
imperata mihi ab eo peccatorum meo-  
rum veniam, cordis & corporis per-  
fectam puritatem; ut sim ex eo nu-  
mero, quorum animas dulcissimus Na-  
tus tuus dignatur inhabitare.

*Pater noster &c.*

**O** JESU dulcedo cordis mei, per  
immensam illam dulcedinem cha-  
ritatis tuæ, quæ te de cœlo traxit in  
uterum Virginis: descende in cor meu-  
num per gratiam tuam, & fac me u-  
num tecum in æternum, Amen.

*Pater noster &c.*

**O** JESU fons omnis Sanctitatis, per  
gratiam illam, quâ visitans Eli-  
sabetham Joannem in utero ejus  
sanctificasti, sanctifica cor meum, &  
ejecta omni malitia, reple illud gratiâ  
tua, Amen.

*Pater noster &c.*

**O** JESU Verbum pro nobis caro  
factum, per pauperimam tuam  
in Bethleemitico præsepio Nativita-

tem; fac, ut nova tua per carnem  
nativitas, me à vetusto peccati jugo  
liberet. Amen.

*Pater noster &c.*

**O**JESU hæmilium celsitudo, per  
tuam pauperrimis Pætoribus cœ-  
lestis militiæ concentu manifestatio-  
nem; fac me pauperem, simplicemq; spi-  
ritu, ut gratiâ tua, quam humilibus  
confers, dignus inveniar, Amen.

*Pater noster &c.*

**O**JESU, cuius Nomen super omne  
nomen, per tuam innocentissi-  
mam Circumcisionem, & dulcissimi  
Nominis JESU impositionem, abstra-  
he cor meum ab omnibus, ut omnis  
creatura mihi vilescat, & tu solus  
cordi meo dulcescas, Amen.

*Pater noster &c.*

**O**JESU candor lucis æternæ, per  
tuam à tribus Magis stella duce  
adorationem; illumina animam me-  
am eamq; verâ tui ac mei cognitio-  
ne perorna, Amen.

*Pater noster. &c.*

**O JE-**

*JESU Christi.*

5

**O** JESU lumen ad revelationem gentium, per tuam in templo Salomonis oblationem, doce me facere voluntatem Tuam? ut me tibi in omnibus perfecte semper offeram, & resignem, Amen.

*Pater noster &c.*

**O** JESU refugium nostrum; per tuam in Aegyptum ab Herodis persecutione fugam: concede ut omnia, quæ me à te avertunt, fugiam, & in omni tribulatione Tibi adhæram, Amen.

*Pater noster &c.*

**O** JESU Sapientia, quæ ex ore Altissimi produisti, per tuam in medio Doctorum inventionem; fac, ut te ardentissimo temper desideria quæram, & ex invento hic & in æternum gaudeam, Amen.

*Pater noster &c.*

**O** JESU in laboribus à juventute tua per humillimam Parentibus tuis subjectionem; da, ut omnibus

A 4

propter

propter te libenter me subjiciam,  
nesciri & contemni diligam, Amen.

## SECUNDÆ DECADIS

*Ave MARIA &c.*

## ORATIO.

**O** Deliciosissimum Divinitatis ta-  
bernaculum, Putissima Virgo  
**MARIA**, laudo, saluto, & obsecro te  
per dulcissimum Cor JESU Christi  
Filii tui amantissimi; qui pro mea,  
& totius mundi salute variis labori-  
bus, jejuniiis, itineribus, prædicatio-  
nibus, persecutionibus, defatigari vo-  
luit; impetra mihi ab eo, ut pro amo-  
re ipsius, & animæ meæ salute, quoſ-  
eunq; labores libenter suscipiam,  
& in bonis operibus usq; ad finem  
vitæ per gratiam ipsius perseverem,  
Amen.

*Pater noster &c.*

**O** JESU Agnus sine macula, per  
tuum in Jordane per manus Jo-  
annis Baptismum, emunda animam  
me.

JESU Christi.

meam perfecte, & restitue mihi innocentiam, quam in baptismo contulisti, Amen.

Pater noster &c.

O JESU, cibus electorum, per tuum quadraginta dierum in determino jejunium; da ut me in mundi hujus solatiis propter te mortificem, ut tu sis unica delectatio, & desiderium cordis mei, Amen.

Pater noster &c.

O JESU, Via, Veritas, & Vita, per tuam Discipularum vocationem, fac, me obedire voci tua, & viam mandatorum tuorum feliciter decurrere, Amen.

Pater noster &c.

O JESU vitis vera, per tuam in Cana Galileæ, aquæ in vinum mutationem, frigidum cor meum serventi devotionis spiritu excita, & in amore tui accende, Amen.

Pater noster &c.

A 5

O JE-

**O** JESU spes peccatorum, per mansuetissimam tuam cum peccatori- bus conversationem, & eorum paternam receptionem, suscipe me venientem ad te, & concede, ut ubi abundavit delictum, ibi abundet gratia tua, Amen.

*Pater noster &c.*

**O** JESU medicina salutis, per tuam infirmorum, & male habentium curationem: sana animam meam quia peccavi tibi, & vitali gratiâ tuâ eam vivifica, Amen.

*Pater noster &c.*

**O** JESU, cui data est omnis potestas in Cœlo & in terra, per admiranda tua in terris opera & miracula, cuncta adversantia nobis propitius averte, & ad protegendum nos, dexteram tue Majestatis extende, Amé.

*Pater noster &c.*

**O** JESU splendor Paternæ gloriæ, per gloriosissimam in monte Thabor Transfigurationem: da ut hic perfectè, in te transformari, in futuro

**JESU Christi.**

**9**

revelata facie merear te contemplati, Amen.

*Pater noster &c.*

**O** JESU Rex Istræl mansuetissime, per tuum in Urbem Hierosolymitanam triumphalem ingressum: fac me vana mundi gaudia, honoresq; contemnere, te vero viâ humilitatis & abjectionis sequi, Amen.

*Pater noster &c.*

**O** JESU Panis Angelorum, per tuam in ultima cœna Sanctissimi Eucharistie Sacramenti institutionem; fac ut animæ meæ vivificum hoc corporis tui Sacramentum unice sapiat, & eam tibi intime conjugat, Amen.

### TER TIAE DECADIS

*Ave MAAIA &c.*

### ORATIO.

**O** MARIA mare amaritudinis & doloris, laudo, saluto, & obsecro Te per dulcissimum Cor JESU Christi, Filii, tui amantissimi, cui in ejus Passione & morte ignominiosissima

A 6 mæstis-

**Io**

*Corona Vita.*

mæstissimo corde adeò compatiebaris,  
ut animam tuam doloris gladius trans-  
fixerit; impetra mihi ab eo , in tuis  
Filiiq;; tui doloribus intimam com-  
passionem , atq; in **Cruce** tribulatio-  
nis ob amorem ipsius , usq; ad finem  
vitæ perseverantiam , Amen.

*Pater noster. &c.*

**O** JESU , fortis zelator animarum ,  
per tuam in horto Olivarum O-  
rationem, fac me calicem cuiuscunq;  
amaritudinis ob amorem tui libenter  
bibere , & in agonia mortis meæ tuæ  
cœlitùs gratiâ confortari , Amen.

*Pater noster &c.*

**O** JESU mitis & humiliis corde ,  
per tuam mansuetissimam ad o-  
sculum Judæ proditoris inclinationem;  
libera me ab omni hypocrisi; & da  
mihi inimicorum dilectionem , neq;  
avertas faciem tuam à me in æter-  
num , Amen.

*Pater noster &c.*

**O** JESU Samson fortissime, per tu-

am

**JESU Christi.**

11

am à militibus in horto comprehensi-  
onem, absolve me ab omni vinculo  
peccati, & fortissimis tuæ charitatis  
vinculis animam meam constringe, A.

*Pater noster &c.*

**O JESU** speciose forma præ filiis ho-  
minum, per tuam coram Anna &  
Caipha accusationem, colaphos, ala-  
pas, carceremq; noctis illius amatissimum,  
concede; ut confundar hic po-  
tius & contemnar propter te, ut à  
nocte & confusionē æterna liberari  
merear, Amen.

*Pater noster &c.*

**O JESU** speculum innocentia, per  
tuam coram Pilato sèpius repeti-  
tam accusationem, & coram Herode  
in veste alba irrisiōnem, da ut pecca-  
ta mea agnoscam, & confitear, alio-  
rum excusem, ignoscam, ac extremo  
tuo judicio liber sim ab illusionibus,  
& accusationibus diaboliceis, Amen.

*Pater noster &c.*

**O JESU** flos pudicitiae, per tuam in-

A 7

præ-

prætorio Pilati ignominiosissimam denudationem, & atrocissimam flagellationem, cooperi, quæ so infinitis meritis tuis, nuditatem animæ meæ, & flagella iracundiæ tuæ, nunc & in æternum à me averte, Amen.

*Pater noster, &c.*

**O** JESU in quem desiderant Angeli prospicere, per tuam spineam Coronationem, & derisoriam à militibus salutationem, fac me adversa mundi hujus patienter ob amorem tui sufferre; ut sub spinoso capite membrum non sim delicatum, Amen.

*Pater noster, &c.*

**O** JESU, tanquam ovis ad occisionem ducte, per tuam ad Crucis supplicium injustissimam condemnationem, & ejusdem Crucis bajulacionem, concede, ut de omnibus bene sentiam, sinistra aliorum de me iudicia æquod animo feram, & crucem meam tollens, abnegando me ipsum, vestigia tua sequar, Amen.

*Pater noster, &c.*

**O** JE-

O JESU, DEUS in nationibus à ligno  
regnans per tuam crucifixionem,  
& post trium horarum immensos do-  
lores, mortem in Cruce amarissimam,  
confige cor meum Crucis tue, & fac  
me omnibus propter te mori, tibi q;  
soli vivere; ut nihil sciam, & amem;  
nisi te JESUM pro me crucifixum, A.

Pater noster: &c.

O JESU Primogenite mortuorum,  
per tuam de cruce in sinum Matris  
Sanctissimæ depositionem, & sepul-  
turam depone in sinum cordis mei  
indefinentem Passionis tue memoriam,  
ut in Vulneribus tuis conseptus, vi-  
vam ego, jam non ego, sed Tu vi-  
vas in me & Vita mea, Amen.

Ave Maria, &c.

O R A T I O.

O Paradise voluptatis dulcissima Vir-  
go MARIA, laudo, saluto, & obse-  
re te, per dulcissimum Cor JESU Chri-  
sti Filii tui amantissimi; qui devicta  
morte à mortuis resurgens, tibi impri-  
mis

mis gloriosus apparuit, & in Ascensio-  
ne sua, Spiritusq; Sancti missione, in-  
effabili gaudio Cor Tuum amantissi-  
mum replevit, impetra mihi ab eo feli-  
cem temptationum & tribulationum vi-  
ctoriam, rerum cœlestium amorem, &  
donorum Spiritus Sancti fontem vivi-  
ficium, Amen.

*Pater noster, &c.*

**O** JESU Victor, Leo de tribu Iuda;  
per tuam à mortuis gloriosam Re-  
surrectionem; fac. ut in novitate vitæ  
tecum resurgens, quæ sursum sunt, non  
quæ super terrā, quæram & sapiam, A.

*Pater noster, &c.*

**O** JESU, DEUS in jubilo ascendens,  
per triumphalem tuam in cœlos A-  
scensionem, trahe cor meum post te, ut  
mente in cœlestibus tecum semper ha-  
bitem, Amen.

*Pater noster, &c.*

**O** JESU, Veritas æterna, per amabi-  
lissimum Spiritus Sancti, quem Di-  
scipulis tuis promiseras, adventum;  
in-

*JESU Christi.*

15

indue me virtute ex alto: ut ab omnibus mundi solatiis abstractus, spirituallum percipere merear gratiam gaudiorum, Amen.

*Ave Maria, &c.*

**O** Regina cœli & terræ glorioſiflma Virgo MARIA, laudo, ſaluto, & oblecro tē per dulcissimum Cor JESU Christi Filii tui amantissimi, qui te in cœlo Assumptam cum Patre & Spiritu Sancto, diadematæ gloriæ, coronavit: in petra mihi ab eo, ut in gratia ipsius felici obitu ex hac vita decedens, æternæ vitæ bravium consequi merear, A.

*Credo in DEUM, &c.*

**OBLATIO CORONÆ.**

**S**uscipe Clementissime JESU indignum hoc obsequium meum, quod ego mellifluo, ac divinissimo Cordi tuo emendandum & perficiendum offero, deponoq; per purissimas Matris tuæ Sanctissimæ manus in Sacrosancta Vulnera tua, ut quidquid ex me deficit, ex iis mihi abundantissimè suppleatur:

Re-

Responde ergo satisfac, & supple pro  
me ò bone JESU, ut memoria hæc  
annorum, & mysteriorum Sanctissimæ  
viæ tue cedat inconspectu tuo Divi-  
no, in odorem savitatis, & in meam  
atq; eorum, pro quibus eam obtuli  
salutem, utilitatemq; sempiternam, A.

**M O D U S B R E V I O R**

*Recitandi eandem Coronam Salvatoris  
Dominii nostri JESU Christi.*

*Salutatio Angelica.*

**A** Ve MARIA gratia plena, Dominus  
tecum, benedicta tu in mulieribus  
& benedictus fructus ventris tui JE-  
SUS. Sancta MARIA Mater  
DEI, Per Conceptionem & Nativitatem  
tuam, ora pro nobis peccatoribus,  
nunc & in hora mortis nostræ, Amen,

*Oratio Dominica.*

**P**ater noster, qui es in cœlis, sancti-  
ficitur Nomen tuum, adveniat  
regnum tuum, fiat voluntas tua, sicut  
in cœlo & in terra. Panem nostrum  
quotidianum da nobis hodie, & dimit-  
te

te nobis debita nostra, sicut & nos di-  
mittimus debitoribus nostris & ne nos  
inducas in temptationem. Sed libera  
nos à malo, per Incarnationem tu-  
am, Amen.

Pater noster, &c.

Per Joannis in utero Sanctificationem,

Pater noster, &c.

Per Nativitatem Tuam,

Pater noster, &c.

Per Pastoribus manifestationem,

Pater noster, &c.

Per Circumcisionem Tuam,

Pater noster, &c.

Per Trium Regum adorationem,

Pater noster, &c.

Per Præsentationem in Templo.

Pater noster, &c.

Per fugam in Ægyptum,

Pater noster, &c.

Per inventionem in Templo,

Pater noster, &c.

Per mansionem sub obedientia Pa-  
rentum.

Salu.

Sed libera nos à malo, Per &c. Amen.

## Salutatio Angelica.

Ave MARIA &c. Sancta Maria Mater  
Dei, Per Præsentationem tuam & aunun-  
tiationem ora pro nobis &c.

Pater noster, &c.

Per Baptismum tuum in Jordane.

Pater noster, &c.

Per Jejunium in deserto,

Pater noster, &c.

Per aquæ in vinum conversionem,

Pater noster, &c.

Per vocationem Discipulorum,

Pater noster, &c.

Per conversionem peccatorum.

Pater noster, &c.

Per sanationem langvidorum.

Pater noster, &c.

Per tempestatum in mari sedationē,

Pater noster: &c.

Per satiæatem turbæ multæ,

Pater noster, &c.

Per transfigurationem in monte

Thabor,

Pater noster, &c.

Per

Sed libera nos à malo Per &c. Amen.

21

JESU Christi.

19

Per ingredium cum triumpho in Ierusalem.

Salutatio Angelica.

Ave MARIA &c. Sancta Maria Mater DEI, Per Visitationem Elisabeth, ora pro nobis, &c.

Pater noster, &c.

Per institutionem Ssmx Eutharistiae,

Pater noster, &c.

Per Sanguineum Iudorem in horto,

Pater noster, &c.

Per traditionem à Juda,

Pater noster, &c.

Per alapam apud Annam,

Pater noster, &c.

Per injurias noctis in carcere,

Pater noster, &c.

Per illusionem ab Herode,

Pater noster, &c.

Per flagellationem Tuam,

Pater noster, &c.

Per Coronationem Tuam,

Pater noster, &c.

Per Crucis bajulationem,

Pater

Sel libera nos à malo Per &c. Amen.

20      *Corona Vita Jesu Christi.*

*Pater noster, &c.*

**Per Crucifixionem & mortem Tuam,**  
*Salutatio Angelica.*

**Ave MARIA &c. Sancta Maria Mater**  
**DEI, Per Purificationem Tuam,**  
**ora pro nobis peccatoribus, &c.**

*Pater noster, &c.*

**Per Resurrectionem Tuam,**  
*Pater noster, &c.*

**Per Ascensionem Tuam,**  
*Pater noster, &c.*

**Per Spiritus Sancti missionem,**  
*Salutatio Angelica.*

*SI BELIOT*  
**Ave MARIA &c. Sancta Maria Mater**  
**DEI, Per Assumptionem & Coronatio-**  
**nem tuam, ora pro nobis &c.**

*Credo in DEUM, &c.*

*UT fuso tibi Christe, feram pro san-*  
*cto. FEILDENCKE gvine grates,*

*Nulla satis, longum saecula tempus*  
*erunt.*

*Certa ainq: secura est expectatio promissa*  
*beatitudinis, ubi est participatio Do-*  
*minice Passionis. S. Leo Papa.*

---

Biblioteka Jagiellońska



stdr0026361

